

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2525 del 15/09/2021

Traduzione in mòcheno

Naia u'stelltn en de Gamoa'n pet minder abia 5.000 voner

S kemmen gem naia moglechkaitn ver za nemmen au naia u'stelltn en de trentinise gamoa'n bou as hòt minder abia 5.000 voner. De amministrazionien as trong envire a toal zòmmòrbetn barn hom de moglechkait za stelln u' naia lait, derno as men bart meing aunemmen de earstn hundert lait schoa' u'ganommen en leiste merz va de Provinzal Junta oa'ne pet de Lokaln Autonomi; ver za gem omport en de neat van gamoa'n bou as hòt birkle bea'ne u'stelltn. De mosnemmm as s ist kemmen garo u'ganommen va de Junta vourtschbunnen van asesor van lokaln dinstn, ist schoa' kemmen vourtrong en Rot van lokaln autonomi ont s ist s derkennen der bichte schicht as de gamoa'n van Trentin hom.

De naiekaitn, abia schoa' tsòk, enteressiarn de Gamoa'n as barn envire gea' pet de zòmmòrbet van a toal dinstn oder as zòmmòrbetn pet almen an òndra gamoa' ver almen drai òrbetn zbischn de sèlln tschrim as de mosnemmm (Òllgamo' Kanzlai, personal ont organizazion; technikomt, urbanistik ont lòntschòft, voneru'mellnseomt, hòndl, informatik dinstn) oder zboa zòmmòrbetn benns en de doin drinn sai' de birtschòft ont gèltdinst. Òll Gamoa' as hòt de zòmmòrbet van dinstn, bart meing aunemmen a nais mentsch. De mosnemmm paschraip de vorm ver de Gamoa'n as nèt s gèlt hom, za vrong der paitrog en de Provinz ver za zoln, almen en de earste zait, de kostn ver za zoln de u'stelltn.

En de mosnemmm garo u'ganommen sai' patschrim naia moglechkaitn za nemmen au u'stelltn en de lokal polizai, abia zan paispil de u'stelltn ver a kurza zait derbail as bolten turistn hòt, ver de Gamoa'n as vourstea' en de zòmmòrbetn ver de dinstn va de polizai.

Ibersetz gamòcht van Sprochtirl va de Tolgamo'a'schòft Hoa Valzegu' ont Bersntol

(Traduzione a cura dello Sportello linguistico della Comunità Alta Valsugana e Bersntol)

(cdt)